



## «Ատելության խոսքը մեղիայում. թիրախում կանայք են» թեմայով

### Ազգային ժողով- ՔՀԿ համագործակցության հարթակի

### հերթական հանդիպման ամփոփաթերթ

**Ս.թ. դեկտեմբերի 2-ին կայացավ ԱԺ-ՔՀԿ համագործակցության բաց հարթակի հերթական հանդիպումը՝ «Ատելության խոսքը մեղիայում. թիրախում կանայք են» թեմայով:**

**Հանդիպման նպատակն** էր ներկայացնել «Սեքսիզմը և բռնությունը հեռուստատեսքերում և օնլայն մեղիայում. որքանով է գենդերազգայուն հայաստանյան մեղիան». մեղիա մոնիթորինգի նախնական արդյունքները, քննարկել մեղիայում և առցանց հարթակում ատելության խոսքի դրսևորումների խնդիրը և հավաքագրել առաջարկներ, որոնք միտված են մեղիա հարթակներում ատելության խոսքի դեմ արդյունավետ պայքարին:

Հանդիպմանը մասնակցել են Ազգային ժողովի պատգամավորներ, ՀՀ արդարադատության նախարարության ներկայացուցիչներ, հասարակական կազմակերպությունների և մեղիա կառույցների պատասխանատուներ:

Հանդիպումը կազմակերպվել էր «Նոր Հայաստան՝ Ժամանակակից խորհրդարան» ծրագրի շրջանակներում, որը իրականացվում է ՄԱԿ-ի Զարգացման ծրագրի, ՀՀ Ազգային ժողովի, ՕքսեՋեն հիմնադրամի, Մարդկային զարգացման միջազգային կենտրոնի հետ համատեղ, Մեծ Բրիտանիայի «Լավ կառավարման հիմնադրամի» և Շվեդիայի կառավարության օժանդակությամբ:

- 1. Հանդիպման առաջին հատվածում** մեղիա փորձագետ Սուրեն Դեհերյանը ներկայացրեց «Սեքսիզմը և բռնությունը հեռուստատեսքերում և առցանց մեղիայում. որքանով է գենդերային զգայուն հայաստանյան մեղիան» հետազոտության նախնական արդյունքները<sup>1</sup>:

Հետազոտության ընթացքում մոնիթորինգի էին ենթարկվել երեքական հեռուստաալիք և օնլայն մեղիա: Հետազոտության նախնական արդյունքները ցույց են տվել, որ գենդերային թեմատիկայով նյութերը ընդհանուր լրահոսի ընդամենը 5%-ն են կազմում, ընդ որում գենդերային զգայուն նյութերի թիվը շատ ավելի քիչ է հեռուստատեսքերում, քան օնլայն մեղիայում: Հեռուստատեսքերի դիտարկման արդյունքներով հատկապես առանձնանում են

<sup>1</sup> Հետազոտությունն իրականացվել է «Կանայք քաղաքականության մեջ» ծրագրի շրջանակում, որն իրականացվում է ՄԱԿ-ի Զարգացման ծրագրի կողմից՝ ՀՀ տարածքային կառավարման և ենթակառուցվածքների նախարարության և ՕքսեՋեն հիմնադրամի հետ համատեղ, Միացյալ Թագավորության «Լավ կառավարման հիմնադրամի» աջակցությամբ:

հեռուստատեսիալները, որտեղ ոչ միայն իսպառ բացակայում է գենդերային զգայուն մոտեցումը և վերարտադրվում են կանանց նսեմացնող կարծրատիպերը, այլ աղավաղված արժեհամակարգով են ներկայացվում ընտանիքի մոդելը, ընտանեկան հարաբերությունները, կնոջ կերպարը: Բացի այդ հետազոտության հեղինակները վտանգ են տեսնում սերիալներում վիրավորանքի/հայհոյանքի հաճախակի օգտագործման մեջ՝ մատնանշելով, ու դա հանգեցնում է քրեական աշխարհի էլեմենտներով համեմված, աղավաղված շփման մշակույթի ձևավորմանը:

Հետազոտության նախնական արդյունքների պրեզենտացիան ստորև.



- 2. Մեդիայում և առցանց հարթակում ատելության խոսքի**, սեքսիզմի, խտրականության դրսևորումների մասին քննարկման ընթացքում հարթակի մասնակիցների կողմից հնչեցվեցին մի շարք առաջարկներ՝ ուղղված ոլորտի բարելավմանը.

#### **Օրենսդրական և քաղաքական բնույթի կարգավորումներ.**

- Քննարկել առցանց լրատվամիջոցներում օգտատերերի կողմից արված վիրավորական մեկնաբանությունների դեմ պայքարելու հնարավորությունները՝ ի նկատի ունենալով ՀՀ քաղաքացիական օրենսգրքի 1087.1 հոդվածի կարգավորումները [1] և հիմք ընդունելով Եվրոպական դատարանի «Դելֆին ընդդեմ Էստոնիայի» գործով նախադեպային որոշումը, ըստ որի լրատվամիջոցը պետք է պատասխանատվություն կրի իր էլեկտրոնային կայքում տեղ գտած՝ վիրավորանք պարունակող մեկնաբանության համար և ծանուցման դեպքում պարտավոր է այն հեռացնել:
- Մշակել գործուն մեխանիզմներ «Կանանց և տղամարդկանց հավասար իրավունքների և հավասար հնարավորությունների ապահովման մասին» ՀՀ [օրենքի](#) կիրարկումը սեքսիզմի և կանանց նկատմամբ խտրականության դրսևորումների դեմ պայքարում ապահովելու համար: Մասնավորապես, օրենքը գործուն փաստաթուղթ դարձնելու համար հնարավոր է այն հարստացնել ենթաօրենսդրական ակտերով:
- Բացառել խոսքի ազատության և մեդիա ազատության հետ կապված հնարավոր վտանգները ՀՀ կառավարության կողմից մշակվող ատելության խոսքը քրեականացնող օրենսդրական նախաձեռնության շրջանակում:
- Ներքին համաձայնությունների մեխանիզմներ կիրառել քաղաքական դաշտում ատելության խոսքը կանխարգելելու նպատակով (օրինակ ընտրություններից առաջ #ՈՉատելության\_խոսքին կարգախոսի ներքո քաղաքական ուժերի միջև համաձայնության ձեռքբերում և համապատասխան փաստաթղթի/հայտարարության ստորագրում):

- Դիտարկել որպես հիմք Եվրոպայի խորհրդի [#ՈԶ իմ պատվամենտում](#) նախաձեռնությունը և ԵԽԽՎ-ի կողմից ընդունված [2275 \(2019 քանաձևը](#)<sup>2</sup> ատելության խոսքի և սեքսիզմի դեմ գործողություններում և նախաձեռնություններում:
- Պահանջել ՁԼՄ-երի իրական սեփականատերերի ու ֆինանսավորողների բացահայտումը և հրապարակայնացումը՝ ատելության խոսքի և կեղծ լուրերի տարածման դեմ պայքարում: Սահմանել պատվիրված նյութերի հատուկ նշման մասին պահանջը:

### **Լրատվական դաշտի կարգավորումներ**

- Կազմակերպել սեմինարներ լրագրողների համար և հատուկ աշխատանք իրականացնել հատկապես խմբագիրների, սցենարիստների, մեդիա ղեկավարների հետ, ովքեր և որոշում են տվյալ մեդիա հարթակի բովանդակությունը:
- Աջակցել թեմային առնչվող մասնագիտական ուղեցույցների հրապարակմանը ՁԼՄ ներկայացուցիչների համար:
- Ապահովել թեմային առնչվող միջազգային փաստաթղթերի հայերեն որակյալ թարգմանություններ և հասանելի դարձնել դրանք ՁԼՄ ներկայացուցիչներին:
- Ուսումնասիրել և տարածել ատելության խոսքի և սեքսիզմի դեմ պայքարի միջազգային փորձը:
- Խրախուսել ինքնակարգավորման նախաձեռնությունները, համագործակցել ՁԼՄ-ների էթիկայի Դիտորդ մարմի հետ՝ էթիկայի վարքականոններում լրացումներ, մշակումներ կատարելու նպատակով (մասնավորապես, առաջարկել ՁԼՄ-ներին ամրագրել իրենց էթիկայի կանոնակարգերում գենդերային խտրականությունը և սեքսիզմը բացառող դրույթներ):
- Սահմանել ենթաօրենսդրական կարգավորումների միջոցով թեմային առնչվող եզրույթները հեռուստատեղիների համար («սարսափ», «էրոտիկ բնույթի հաղորդումներ», «բռնություն» և այլն):

### **Հեռուստատեսության և ռադիոյի հանձնաժողովի հետ կապված կարգավորումներ**

- Կիրառել օրենսդիր մարմնի վերահսկողական գործառույթը ՀՌԱՀ-ի նկատմամբ՝ պարզաբանումներ պահանջելով հեռուստատեղիներում առկա խտրականության, բռնության, սեքսիզմի, ատելության խոսքի դրսևորումների հետ կապված:

### **Իրավապաշտպան գործունեության հետ կապված առաջարկներ**

- Օրենսդրորեն սահմանել «իրավապաշտպան գործունեություն» եզրույթը՝ դատարան դիմելու դեպքում իրավապաշտպանների գործունեության հետ կապված հայցերի ձևակերպման դժվարություններից խուսափելու նպատակով:
- Աջակցել կին իրավապաշտպանների և ակտիվիստների նկատմամբ խտրականության և ատելության խոսքի դեպքերով համապարփակ, անկողմնակալ և արդյունավետ

<sup>2</sup> PACE Resolution 2275 (2019), The role and responsibilities of political leaders in combating hate speech and intolerance <http://assembly.coe.int/nw/xml/XRef/Xref-DocDetails-EN.asp?FileID=27636&lang=EN>

քննության իրականացմանը՝ դրանով իսկ վերացնելով նրանց հանդեպ աճող ատելության խոսքի և սպառնալիքների անպատժելիության մթնոլորտը:

- Համապարփակ վիճակագրություն վարել կին իրավապաշտպանների և ակտիվիստների նկատմամբ տարածվող ատելության խոսքի առնչությամբ, ինչպես նաև հավաքագրել տեղեկատվություն հարուցված գործերի և դրանց ընթացքի վերաբերյալ:
- Իրականացնել հանրային արշավ՝ բարձրացնելու կին իրավապաշտպանների և ակտիվիստների դերը մարդու իրավունքների պաշտպանության գործում:
- Հանդես գալ կին իրավապաշտպանների հանդեպ տարածվող ատելության խոսքի հրապարակային դատապարտմամբ՝ նման դեպքերի արձանագրման դեպքում:
- Հետազոտություն իրականացնել՝ «կարծիք ձևավորողների», սոցիալական հարթակներում մեծ հետևորդներ ունեցող անձանց հայտարարություններում առկա
- Սեքսիզմի, բռնություն և ատելության խոսք պարունակող որակավորումների ուսումնասիրության նպատակով:

### **Քննարկման արդյունքում համաձայնեցված հետագա քայլերը.**

- Աշխատանքային խումբ ձևավորել վերոնշյալ հիմնահարցերի հետ կապված Ազգային ժողովում՝ ՔՀԿ-ների ներկայացուցիչների ներգրավմամբ:
- Շրջանառել մեդիա մոնիթորինգի զեկույցի վերջնական տարբերակը, որը կներառի նաև որակական հետազոտության արդյունքները և ոլորտը բարելավելուն ուղղված առաջարկները:
- Նախաձեռնել մյուս տարվա հունվարին ևս մեկ քննարկում այս թեմայով, հրավիրելով քննարկմանը ԱԺ պատգամավոր Վահագն Թևոսյանին, ով այժմ ուսումնասիրում է ՉԼՄ օրենսդրական կարգավորումների միջազգային փորձը և գլխավորելու է վերոնշյալ հիմնահարցերի հետ կապված աշխատանքները Ազգային ժողովում: